

Saamia Leaflet on Life After Death
ABOOLUGANDA MU YESU
EBIKHULUNDU MUMASIMA KE BAIBULI
OBULAMU OLUNYUMA LW'OKHUFFA
SINA SI BAIBULI YISOMESA?

Nomala okhusoma akhatabo khano wicha
Okhumanya okhukobolamu mubitebo bino:

- 1 Khulwasi embassa ya Yesu Kristo khu bulamu olunyuma lw'okhuffa sy'omuwendo?
 - 2 Sina si Baibuli yisubissa mubulamu bwichayo mumoni?
 - 3 Linna lubadoole baliba nende Yesu Kristo?
 - 4 "Okhushuukhira okhw'a baffa" Nisi?
 - 5 "Okhukhengerwa omusango" Nisi?
 - 6 Sina si Baibuli yilomaloma khu "myoyo (emmeme) echitaffa"?
 - 7 Ngeri si yi biikholekha bichayo mumoni byegatira Aalala?
- 1 Khulwasi embassa ya Yesu Kristo khu bulamu olunyuma lw'okhuffa sy'omuwendo?

Esyalo syakhaba nende abatuuki bangi abandi ab'ebiyobutuuki abandi ab'ediini. Khubatuuki bossi abeesitalo, Yesu Kristo niye yengane eyashuuusibwa okhutula mubaffa. Amakhumi k'abandu kamuboona olunyuma lw'okhushuukhira khwaye (1 Abakkolinso 15:3-8). Sino sikhola Yesu Owenjawulo Khulwokhuba niye eyabona obulamu olunyuma lw'okhuffa, niye omulayi akhirayo okhutubolera khwesyo. Nikhuba abakesi, khwicha okhutekeresa sina syaboola.

- 2 Sina sibaibuli yisubissa mubulamu bwichayo mumoni?

Omusiiriikali lulaala yasaba natanja olutalo: "Ai nasaye, niyiriwo nasaye, wonia omwoyo (emmeme) kwange, nimba nindi nende omwoyo (emmeme)" Nga sy'akhabi, bwe nende niyakhabere bwe aliwambi okhuffa, yali samanyire syossi khubulamu bwichayo mumoni. Sirisityo abandu bangi Iwalero abali ng'omusiiriikali oyo. Sibamanyire sibasuubira olunyuma lw'okhuffa khwabwe.

Esuubi y'eBaibuli yisisiira khu masima amakhabi kaduttu:

- (a) Okhukoboola khwa Kristo okhutula mukulu.
- (b) Okhushuukhira khw'abaffa; nende.

- (c) Yesu Kristo omwana wa nasaye okhwombakha obwakhabakha bwa nasaye khusyallo.

Yesu omwene alomaloma khumasima kanno kadattu amakhulundu naboola atti, “Omwana w’omundu (Yesu) nalicha musitibwa shaye nende bamalayika baye bossi abatuukiriju alaala naye, awo alikhala khusisaala shaye esyesitibwa” (Matayo 25:31) : khandi, “Ebikha bicha, Mmubyo Aabo bossi abali Emmakombe baliwlira eddoobosi Lyaye basingira” (Yokaana 5:28, 29) Okhumanya esuubi linno sicha okhutukhonya okhutegera sina sibaibuli yisomesa khu Bulamu olunyuma Lw’okhuffa..

3 Linna lubadoole baliba nende Yesu Kristo?

Yesu atukhakhaha sinno. Aboola atti, “Omwana w’omundu (Yesu) alicha musitibwa sha-simwana nende bamalayika baye, era alikabba omusara buli mundu okhusisira khubikholwa byaye” (Matayo 16:27). Wetegerese okhulondana khwebirikholekha:

- (a) Yesu yecha okhwicha musitiibwa, n’olunyuma..
(b) Alikabba omusara.

Okhusokhera llala yecha, n’olunyumaalikabba omusara.Nga Yesu asiisiri okhwicha khusyallo, sanyala khuba bwe yasasulakho (yakabakho) omundu yessi omusara Yesu khandi aboolla atti, “mucha okhusasulibwa khumashuukhira ak’abatuukiriffo” (Lukka 14:14) Ng’okhushuukhira khusisiri okhubawo, yiwuma omundu yessi eyafuna omusara.

Okhukobolla khwa Yesu khusyallo, okhushuukha khw’abaffa n’okhukaba omusara kw’obulamu butawawo eyiri abatuukiriffo byossi bisiisiri mumoni

4 “Okhushuukhira okhw’abaffa” Nisi?

Yesu yalomaloma khu, “Ibulayimu, nende jsaaka nende yakobo” Okhuba mubwahabakha bwa nasaye. Olwesyo, abaffa nibashuukhisibwa, balitegerekhekha ng’abandu.

Becha okhuba n’emibiiri, nya Yesu Luyali nasaye nga yamushuusa okhutula mubaffa. Olunyuma Lw’okhushuukha Yesu yali ng’abonekha khandi adiribwakho (Lukka 24:37:43). Siyali mwoyo okhutali n’omubiri. Esisuubiso esy’omutume pawulo syali sitti Yesu “Acha okhuchusa emibiri cheffe okhufanana ng’omubiri kwaye okw’esitiibwa” (Abafiripi 3:21). Olwesyo, nga Yesu, abo abaliberesebwa obulamu butawawo baliba n’emibiri echitaffa.

Okhushuukhira okhw’abaffa khwicha okhubawo Yesu naakoboole okhwobakha obwakhabakha bwa nasaye khusyallo. Pawulo atubolera:

“Khulwokhuba mu Adamu bossi baffa, sityo mukristo bossi bafuukha abalamu Kristo nisho eshamo esyasokha, olunyuma nibbo abo abakristo mukhukobolla khwaye” (1 Abakkolinso 15: 22-23).

Ppka okhwola khuluddalo olw’abaffa, okhuffa khuli nga okhweyalissa (1 Abakkolinso 15:51, Zabbuli 6:5) Okhusingira khwabwe khulondaakho khwicha okhuba okhushuukhira. Ebiikha biwuma biibitegessa Emakombe (Mugani).

Malisa yalanga esuubi y’eBaibuli ey’okhushuukhira khale ng’alomaloma khu mboochongene Lazaro, yaboola, “Maanyire ndi aliba omulamu khandi mukhushuukhira khuluddalo Lusembayo “ (Yokaana 11:24).

5 “Okhukhengerwa omusango” Nisi?

Baibuli yitukhakhasa esindu silala mukhwanja. Nasaye yatuba edembe okhwekhegerawo okhulonda Engira yaaye oba okhuyikhaya. Atuboolera esicha okhubawo ni:

- (a) Khumukholera, oba
- (b) Khumukhaya.

Abaandu bamanyire ebidira khunasaye, khandi nga bakhoyere okhumukobo lamu, “Bossi bakhoyera okhubonekhera Kristo y’alikhengera emiisango”. (2 Abakkolinso 5:10)

Eyiri abo abamukholere, Yesu aliboola; “mwiche,emmwe abaaberesebwa ekhabi Aababaaba, musikhire obwakhabakha obwaabateekherwa okhutulla khukhulonga khw’esyallo” (Matayo 25:34). Abo “abatagondera amasima (Abaruumi 2:8). Sibaliba mubwakhabakha bwa nasaye.

Yesu akhakhasa esomesa yino Aboolla atti abo “abaakholere ebilayi” baliberesebwa ekhambi no “okhushuukhira khw’obulamu”, n’abo “abakhola ebitakhoyere (obuubi)” bali boonabonna “Okhushuukhira okhw’omusango” (Yokaana 5:29).

6 Sina si baibuli yilomaloma khu “Myoyo (Emmeme) Echitaffa” ?

Baibuli yiwuma siyilomalomakho khu “myoyo ‘emmeme’ chitaffa”. Situffu, masima kenne yiwuma. Wankubadde, “Obutaffa” nende “Omwoyo” birimu, emboosi “Omwoyo kutaffa” yiwuma yichibonekhera alala mubaibuli.

Emboosi “Omwoyo ‘emmeme’ ” (oluebulaniya, nefesi mundaagano enkhale, nende muluyonani suchi (mundaagano enjakha) sitegessa:

- (a) Obuulamu: esyokhubonerakho 1 Samwiri 22:23
“Oyo akonya obuulamu bwange: akonya n’obwawo” khandi.
- (b) Esilonge silamu (Omundu oba esiisolo): esyokhubone-rakho olubereberye 46:18: “Banno nibo bayeebulira yakobo abandu ekhuminamukaga” (A.V. emmeme = abandu)

Nende abali mumeri nibali mubidinyu basingisa eshandiko siboola bwe tuwonye “emyoyo ‘emmeme’” Cheffe. fessi khusabanga bwe “nasaye wonia ‘omwoyo (emmeme)’ yange” Sitegessa bwe niywumayo Ayiwonia ‘Omwoyo (emmeme)’ yiffa.

Mu Baibuli khunyola bwe ‘omwoyo (emmeme)’ (Nefsi, omundu) anyalla:

- (a) Okhudira (Eby’abaleevi 5:2) A.V.
- (b) Okhulya (Eby’abaleevi 17:10-12, 7:20) A.V. Oba NIV
- (c) Okhola esiibi (Eby’abaleevi 5:15) kesakho A.V.
- (d) Okhuffa (yoswa 11:11, Ezeekyeri 18:4,20) Kesakho A.V. nende NIV.
- (e) Okhuwulira enjala (Engero 6:30) NIV oba AV
- (f) Okhuwulira (Ebikolwa By’abatume 3:23) kesakho NIV nende AV.

Embasa bwe abandu bali nende ‘emyoyo (emmeme)’ echitaffa yitulla mubaakenkensa abayonani embasa yino yobubacha (siituffu). Siyisembebw a n’e Baibuli. Yesu asomesanga atti yecha okhutula mukulu, si atti effe khucha yali.

7 NGERI SI YI BIIKHOLEKHA BICHAYO MUMONI BYEGATIRA AALALA ?

Khunyala khwamalirisa esomesa ye Baibuli khubichayo mumoni khuti:

- (a) Nikhuffa, khuba khufire, nga khuwuma katasa amakesi ak’esindu syosi. Khuli nga okhweyalisa khuleeyi, okhwola
- (b) Yesu Kristo yalikoblera khusyallo,
- (c) Okhushuusa abaffa, nende
- (d) Okhukhengera omusango bossi abakhoyere, Abalamu n’abaffa, awo nasembayo.
- (e) N’okhwobakha obwakhabakha bwa nasaye khusyallo.

Danyeri atubolera: “Bangi khw’abo abeyalisa muluufu Lw’okhusyallo balishuukha, abandi mubulamu butawaawo n’abandi musoni n’okhunyoomebwa okhutawaawo” (Danyeri 12:2).

Oliiba musikanda si? Oli n’amakesi okhulonda Yesu sayi? nosikhoola, wicha okhumenya emirembe n’emirembe naye nakobola

musitiibwa okhwobakha obwakhabakha bwa nasaye.

Situffu, yiriyo obulamu olunyuma lw'okhuffa, khusaaba khweffe khutti esisuubiso sinno esy'omuwendo sicha okhwola khumwoyo kwawo, sayi, Khulwokhuba; "Abo abali n'amakesi balimesha nga okhumeshamesha khw'omu - Bbanga: n'abo abachusa abangi okhwingira mubutuukirifu nga eninginingini emirembe n'emirembe" (Danyeri 12:3).

Banbi twekese noba nodakha okhumanya ebikhirkho awo ebidira
khu Baibuli nende tukirira y'aboluganda mu Yesu.
Onyala waba nga odakha bino;
Obutabo obundi khubino.
Wetebekho eyiri Aboluganda mu Kristo
Abakhuli awambi oba yandikira;

Christadlepian Bible Mission (Uganda),
404 Shaftmoor Lane,
Birmingham
B28 8SZ,
U.K.

Oba

C.B.M. (Uganda)
P.O.Box 436,
Busia
Uganda